







魏相明堂月令奏

此奏以和陰陽立說一意

反覆

奸臣事君凡

天地變異夷

狄盜賊危亡

之情一切隱

諱不以直告

而草木雲霞

悉指為盛時

祥瑞以眩君

心彼烏知變

理陰陽順時

布治宰相責

也循古立政

君德播流宰

相事也而竄

之慮哉相也

臣相幸得備員奉職不脩不能宣廣教化陰陽未和

災害未息咎在臣等臣聞易曰天地以順動故日月

不過四時不忒聖主以順動故刑罰清而民服天地

變化必繇陰陽陰陽之分以日為紀日冬夏至則八

風之序立萬物之性成各有常職不得相干東方之

神太昊乘震執規司春本為仁仁者生南方之神炎

帝乘離執衡司夏火為禮禮者齊西方之神少昊乘

兌執矩司秋金為義義者成北方之神顓頊乘坎執

權司冬水為智智者謀中央之神黃帝乘坤艮執繩

水為智者謀謀者重故為權

可謂賢矣

漢時以卦氣
論治

奉順陰陽與
上陰陽未和
等句相顧

司下土土為信信者誠茲五帝所司各有時也東方
之卦不可以治西方南方之卦不可以治北方春興
兌治則饑秋興震治則華冬興離治則泄天地之氣不閉密也
夏興坎治則電明主謹于尊天慎于養人故立義和
之官以乘四時乘治也節授民事各依其節而授以事君動靜以
道奉順陰陽則日月光明風雨時節寒暑調和三者
得叙則災害不生民不夭疾衣食有餘若是則君尊
民說上下亡怨禮讓可興風雨不時則傷農桑農桑
傷則民饑寒饑寒在身則亡廉恥寇賊奸宄所繇生
也臣愚以為陰陽者王事之本羣生之命自古賢聖

天子之義一段大要在敬
天法祖

高祖之順時
令一服制尚
然則四時施
行政事可推
以爲法

未有不繇者也。天子之義必純取法天地而觀於先

聖高皇帝所述書。天子所服第八

第八天子衣服之制也。於施行詔書

第八曰。大謁者臣章受詔。長樂宮曰。令羣臣議。天子所

服以安治天下。相國臣何。御史大夫臣昌。

蕭何周昌謹與

將軍臣陵。太子太傅臣通等議。

王陵叔孫通

春夏秋冬天

子所服。當法天地之數。中得人和。故自天子王侯有

土之君。下及兆民。能法天地。順四時。以治國家。身亡

禍殃。年壽永究。是奉宗廟。安天下之大禮也。臣請法

之中。謁者趙堯舉春。

主一時衣服禮物。朝祭百事

李舜舉夏。兒湯

舉秋。貢禹舉冬。

高帝時自有

四人各職一時。大謁者

孝文之乖于時令者德惠之施也尚以爲非宜况嚴刻者乎

襄章奏制曰可孝文皇帝時以二月施恩惠於天下

賜孝弟力田及罷軍卒祠死事者頗非時節罷軍卒卒之疲

於軍事者御史大夫朝錯時爲太子家令奏言其狀臣相

伏念陛下恩澤甚厚然而災氣未息竊恐詔令有未

合當時者也願陛下選明經通知陰陽者四人各主

一時時至明言所職以和陰陽天下幸甚相敕掾吏案事郡國

及休告從家還至府輒白四方異聞或有逆賊風雨災變郡不上相輒奏言之

真德秀曰按月令之書雖起秦世然先王之制存焉

漢興頗用其略如春行寬大之令布封賞

之恩以至秋冬理獄十月而後不復論囚

類皆本之月令自高帝時有趙堯等分舉
四時之制至是魏相爲宣帝言之其後李
尋告哀帝謂朝廷忽於時月之令諸侍中
尚書近臣宜令通知月令之意而盛夏斬
人讖者知王莽之必亡後漢陳寵魯恭亦
嘗論此大略皆原於月令云

陳仁子曰宣帝好祥瑞之心甚於孝武相逆窺其心
素矣故今日條郡國逆賊風雨明日采易
陰陽明堂月令以陰陽災異之說日警醒
之而不使好祥瑞之私頃刻藏于胸次藹

然古大臣儆戒之忠也

張以忠曰明王立政奉若天時未有違陰陽之和而
能致太平之理者必從時令說得實有關
涉方是大經濟手此文切寔閎深精理淹
貫確然經世鴻章也

路溫舒上尚德緩刑書

此篇深中孝
宣刑名法律
之病

首把桓文說

起因及孝文

以孝文起自

側室之子孝

宣起自廢嫡

之後皆天意

也溫舒正欲

啓之緩刑以

應天意故先

云禍亂之作

將以開聖人

云云

皇天之所以

開至聖句終

前天以開聖

臣聞齊有無知之禍而桓公以興晉有嬖姬之難而
文公用伯近世趙王不終諸呂作亂而孝文爲太宗
繇是觀之禍亂之作將以開聖人也故桓文扶微興
壞尊文武之業澤加百姓功潤諸侯雖不及三王天
下歸仁焉文帝永思至德以承天心崇仁義省刑罰
通關梁一遠近敬賢如大賓愛民如赤子內恕情之
所安而施之于海內是以囹圄空虛天下大平夫繼
變化之後必有異舊之恩此聖賢所以昭天命也往
者昭帝卽世而無嗣大臣憂戚焦心合謀皆以昌邑

人意將說入
孝宣與天合
符宜應天意

從正始受命
歸到省刑卽
仲舒春秋大
一元右陽而
在陰尚生而
惡殺之指

至此始見正
意前所謂滌
煩文除民瘼
正謂此

尊親援而立之然天不受命淫亂其心遂以自亡深
察禍變之故迺皇天之所以開至聖也故大將軍受
命武帝股肱漢室披肝膽決大計出亡義立有德輔
天而行然後宗廟以安天下咸寧臣聞春秋正卽位
大一統而慎始也陛下初登至尊與天合符宜改前
世之失正始受命之統滌煩文除民疾存亡繼絕以
應天意臣聞秦有十失其一尚存治獄之吏是也秦
之時羞文學好武勇賤仁義之士貴治獄之吏正言
者謂之誹謗過也止過者謂之妖言故盛服先生不用
于世忠良切言皆鬱于胸譽諛之聲日滿于耳虛美

薰氣也心實禍蔽塞以上此乃秦之所以亡天下也

方今天下賴陛下恩厚亡金革之危饑寒之患父子

夫妻戮力安家然太平未洽者獄亂之也夫獄者天

下之大命也死者不可復生古絕者不可復屬書

曰與其殺不辜寧失不經治獄寧失不當之今治獄

吏則不然上下相毆以刻為明深者獲公名平者多

後患故治獄之吏皆欲人死非憎人也自安之道在

人之死是以死人之血流離于市被刑之徒比肩而

立大辟之計歲以萬數此仁聖之所以傷也太平之

未洽凡以此也夫人情安則樂生痛則思死捶楚之

深切痛快之詞過于賈生之太息至謂自安之道在人之死尤說得悲傷

夫人情一節議論曲盡獄

史之弊

說入情事酸楚之極

設喻引起下文正是上書

下何求而不得故囚人不勝痛則飾辭以視之讀曰示
 吏治者利其然則指道以明之上奏畏卻則鍛鍊而
 周內之畏為上所卻退則精熟周悉致之法中蓋奏當之成當謂處其罪雖
 咎繇聽之猶以為死有餘辜咎繇即皋陶何則成練者眾
 文致之罪明也是以獄吏專為深刻殘賊而無極媮
 為一切媮苟且也一切權時也不顧國患此世之大賊也故俗
 語曰畫地為獄議不人刻木為吏期不對畫獄木吏尚不入不
 對對况真實乎此皆疾吏之風悲痛之辭也故天下之忠莫
 深于獄敗法亂正離親塞道莫甚乎治獄之吏此所
 謂一尚存者也臣聞烏鳶之卵不毀而後鳳凰集誹

本意且收束
前面許多說
語有照應有
關鍵

謗之罪不誅而後良言進故古人有言山藪藏疾川
澤納汙瑾瑜匿惡國君含詬山藪有草木則毒害者
居之川澤之形廣大則
能受于汙濁人君之善御下亦當忍耻病也惟陛下除誹謗以招切言開
天下之口廣箴諫之路掃亡秦之失尊文武之德省
法制寬刑罰以廢治獄則太平之風可興于世永履
和樂與天亡極天下幸甚

林希元曰漢宣用刑深刻趙蓋韓楊之不得其死可
見矣溫舒此書可謂對病之藥

張以忠曰深言刑獄之害古今同痛誠採時名議惜
今日臣子無以此言告諸

當宁

此頌西京之
變體也蓋浸
淫乎六朝矣

說出君臣遇
合大略都盡
而風格韻度
翩翩可誦會
讀經三頌
者方知此頌
之工

王褒聖主得賢臣頌

夫荷旃被毳者難與道純。縣之麗密。荷負也旃璫也獸毛之褥也服也純。縣羹藜哈糗者不足與論太牢之滋味。菜哈食也糗麥飯也。太牢牛也。今臣僻在西蜀。生于窮巷之中。長于蓬茅之下。無有游觀廣覽之知。顧有至愚極陋之累。不足以塞厚望。應明旨。雖然。敢不略陳愚心。而抒情素。記曰。恭惟春秋法五始之要在乎審已。正統而已。恭敬也。惟思也。五始元者氣之始。春者四時之始。王者受命之始。正月者政令之始。公即位者一國之始。夫賢者國家之器用也。所任賢則趨舍省而功施普。器用利則用力少而就效衆。故工人之用鈍器也。勞筋

苦骨終日矻矻

勞極之貌

及至巧冶鑄干將之樸清水淬

其鋒越砥歛其鐔

巧冶鑄匠于將劍名也樸未成也淬燒劍令熱清于水中以取利也

鋒刀也越砥磨石名也歛謂磨也鐔劍刃也

水斷蛟龍陸剗犀革忽若箠

汜塵塗

利劍斬斷蛟犀若以箠掃路塵言甚易也

如此則使離婁督繩公

輸削墨雖崇臺五層延袤百丈而不混者工用相得

也庸人之御駕馬亦傷吻敝策

傷壞馬口敝捐鞭杖

而不進于

行胸喘膚汗人極馬倦及至駕齧膝驂乘旦

馬怒有餘氣常

之法

齧膝而行齧膝乘旦皆良馬駕則旦至故以為名

王良執靶韓哀附輿

王良韓哀

以工用相得

古善御者靶音霸謂轡也

縱騁馳驚忽如影靡

如日影之疾沒

過都越國

人馬相得作

二段干將齧

蹶如歷塊

如行歷一小塊之間

追奔電逐遺風

遺風風之疾也

周流八

蹶為賢臣之

蹶如歷塊

如行歷一小塊之間

追奔電逐遺風

遺風風之疾也

周流八

喻百丈不混
萬里一息為
平治之喻

極萬里一息何其遼哉人馬相得也故服絺綌之涼
者不苦盛暑之鬱燠襲狐貉之煖者不憂至寒之悽
愴何則有其具者易其備賢人君子亦聖王之所以
易海內也是以嘔喻受之嘔喻和悅貌開寬裕之路以延
天下之英俊也夫竭智附賢者必建仁策索遠求士
者必樹伯跡昔周公躬吐握之勞故有圖空之隆成王
封伯禽于魯周公戒之曰無以魯國驕士吾齊桓設
一沐三握髮一飯三吐哺猶恐失天下之士
庭燎之禮故有匡合之功齊桓公設庭燎為士之故
是東野人有以九九見者桓公使戲之曰九九足以
見乎鄙人曰臣不以九九足以見也臣聞君設庭燎
以待士暮年而士不至夫士之所以不至者君天下
之賢君也四方之士皆自以為為不若君故不至也夫

自故服綈綌
至此引言聖
王下賢之誠

九九薄能而君猶禮之况賢于九九者乎桓公曰善
乃禮之朞月四方之士相與而竝至矣匡合卽一匡
合九繇此觀之君人者勤于求賢而逸于得人臣亦
然昔賢者之未遭遇也圖事揆策則君不用其謀陳
見惴誠則上不然其信惴誠信也進仕不得施效斥逐又
非其愆是故伊尹勤于鼎俎太公困于鼓刀百里自
鬻甯戚飯牛離此患也及其遇明君遭聖主也運籌
合上意諫諍則見聽進退得關其忠任職得行其術
去卑辱奧渫而升本朝離蔬釋躋而享膏梁奧幽也渫狎也
辱汗也離此蔬食釋此木躋躋以繩爲屨也剖符錫壤而光祖考傳之子
孫以資說士故世必有聖智之君而後有賢明之臣

故虎嘯而風列。龍興而致雲。易曰：雲從龍，風從虎。龍者，陽精以潛于陰幽靈。

上通和氣，感神二物相扶，故能興雲。虎者，陰精而居于陽，依木長嘯，動于巽林三數，相感故能運風。

蟋蟀，秋吟。蟋蟀，出以陰。蟋蟀，蟲名，世謂之蜻蛚。蟋蟀，渠略也。渠略，甲下有翅能飛。

夏月陰時。易曰：飛龍在天，利見大人。龍以喻大人言。

出地中。人之德顯，故天詩曰：思皇多士，生此王國。皇，天也。思，下萬物利見之。

多生賢。故世平主聖，俊乂將自至。若堯舜禹湯文武。

人于邦。之君獲稷契、皋陶、伊尹、呂望之臣，明明在朝，穆穆布。

列聚精會神，相得益章。雖伯牙操、遞鍾逢門子、鸞鳥。

號猶未足以喻其意也。楚辭曰：奏伯牙之號鍾。馬融。

名也。漢書多借假，故以遞為號。羿逢門善射者，漢書曰：黃帝鼎成，龍迎黃帝。黃帝上騎小臣持龍髯拔。

而伸于知已。至此言賢臣。自人臣亦然。

而伸于知已。至此言賢臣。自人臣亦然。

而伸于知已。至此言賢臣。自人臣亦然。

而伸于知已。至此言賢臣。自人臣亦然。

而伸于知已。至此言賢臣。自人臣亦然。

而伸于知已。至此言賢臣。自人臣亦然。

而伸于知已。至此言賢臣。自人臣亦然。

此是至論

兩句狀出君

臣相得之情

千年以來獨

暢

宣帝是時使

王褒承金馬

碧雞之神故

褒此頌及之

古今文系

卷六

墮墮黃帝之弓百姓仰望黃帝龍髯號故名其弓曰鳥號故聖主必待賢臣而弘

功業俊士亦俟明主以顯其德上下俱欲翕然交歡

千載一會論說無疑翼乎如鴻毛遇順風沛乎若巨

魚縱大壑其得意如此則胡禁不止曷令不行化溢

四表橫被無窮遐夷貢獻萬祥畢臻是以聖主不徧

窺望而視已明不殫傾耳而聽已聽恩從祥風翔德

與和氣游太平之責塞優游之望得為君之道冀大

太平是責塞也今已遵游自然之勢恬淡無為之場莊

已優游是望得也曰天恬淡寂寞虛無為休徵自至壽考無疆雍容

垂拱永永萬年何必偃仰屈信若彭祖煦噓呼吸如

篇末言君臣

相得其功業壽考者之所好也列仙傳曰王子喬好吹笙道人浮之弘至于如丘公接以上嵩山又曰赤松子者神農時雨師也至此結語若不崑崙山上帝止西王母石室中其繁而意寔先切

喬松。眇然絕俗離世哉。

莊子曰吹噓呼吸吐故納新熊經鳥伸為壽而已矣彭祖

以寧也。詩曰濟濟多士文王以寧。蓋信乎其

林希元曰聖主得賢臣世道所繇以泰也聖賢論治

莫先于此此頌曲盡其理格言美句不一

而足宜經生傳誦以為膾炙

胡時化曰此篇起句有笨體蓋褒為宣帝徵召為此

頌起四句設譬自叙第一節且謙辭叙應

詔之意第二節勉宣帝審已正統第三節

方論賢者國家之器用第四節論聖主得
賢臣之功第五節論人臣之遭遇第六節
總論臣主相得之美時上頗好神仙故末
段不取彭祖喬松之事

張以忠曰此文婉切綿麗似專以葩藻爲工者然味
其氣格自是高勁

趙充國上屯田奏一

明主可與忠
言謂老臣不
以餘命重為
陛下明言誰
當復言之者
篤信力行不
近就不回撓
凜然古大臣
風又不特才
知已也
充國欲多積
穀屯田以守
先零似老師
費財也而卒
以成功其中
必有用間行
謀離其黨與
固其腹心以

臣聞兵者所以明德除害也。故舉得于外，則福生于
內。不可不慎。臣所將吏士馬牛食，日用糧穀十九萬
九千六百三十斛，鹽千六百九十三斛，芡藁二十五
萬二千八十六石。芡，乾芻也。藁，禾稈也。石，百二十斤。難久不解，繇役
不息，又恐它夷卒有不虞之變，相因並起，為明主憂。
誠非素定廟勝之冊。廟勝，謂謀于廟堂而勝敵。且羌虜易以計破，
難用兵碎也。故臣愚以為擊之不便。計度臨羌東至
浩疊、羌虜故田及公田，民所未墾可二千頃以上。其
間郵亭多壞敗者，臣前部士入山伐材木，大小六萬

爲勝者

雄謀在此
老成之將直
陳所見

餘枚皆在水次。願罷騎兵，留弛刑，應募及淮陽、汝南、步兵與吏士私從者，合凡萬二千八百八十一人，用穀月二萬七千三百六十三斛，鹽三百八斛，分屯要害處。冰解漕下，繕鄉亭，浚溝渠，漕下以水運木而下也。繕補也。浚，深治也。治隍，陘以西道橋七十所，令可至鮮水左右。田事出，賦人二十晦。田事出，謂至春人出營也。賦，謂班與之也。至四月，草生，發郡騎及屬國胡騎伉健各千，倅馬什二，就草。倅，副也。什二，者千騎則與副馬二百匹也。爲田者遊兵，以充入金城郡，益積畜，省大費。令大司農所轉穀至者，足支萬人一歲食，謹上田處及器用簿，唯陛下裁許。

倪

恕曰禦敵莫急于兵屯兵莫急于食食不足則兵不能多兵不多則敵不可遏是固屯田之制不可不講也嘗考古今屯田往往皆無一定之所蓋因時度宜而爲之宣帝之時先零罕开解仇結盟侵擾邊鄙當時議論欲累糧深入一舉而滅之充國知其未可也以爲難久不解徭役不息則四夷必有乘其敝者莫若屯田以全取勝田于浩亶積穀金城卒能破先零下罕开振旅而還中國不知其勞豈非屯田之利哉

陳仁子曰先儒言韓信善將兵多多益辦只是分數
明愚謂趙充國善用兵破降西羌只是分
數明此一便宜之事也兵用幾人粟用幾
斛屯田利幾倍省漕運幾何破先零幾時
如架屋者胷中歷歷先有成筭振凱以還
如抽矢箠中取諸寄耳後諸葛亮用蜀屯
田渭濱與充國意合嗚呼皆分數明也
張以忠曰兵勢夷情畫如指掌故其經畧處置歷歷
精明非老成之將未易有此識力

上屯田奏二

貴謀賤戰老

臣擒王手段

全在此

臣聞帝王之兵以全取勝。是以貴謀而賤戰。戰而百勝。非善之善者也。故先為不可勝。以待敵之可勝。

先言

充國奏疏乃

兵家計策其

寔不在于屯

田也先零罕

開類皆為合

勢不能久充

國故欲以計

挫之其曰兵

難踰度願至

金城圖上方

畧又曰兵當

以全取勝是

幾也宣帝及

在廷諸臣未

自完堅令敵不能勝。我乃可以勝敵也。蠻夷習俗雖殊于禮義之國。然其欲避害就利。愛親戚畏死亡一也。今虜亡其美地。薦草薦稠。愁於寄託。遠遁骨肉。離心人有畔志。而明主般師罷兵也。般還萬人留田順天時。因地利。以待可勝之虜。雖未即伏辜。兵決可期。月而望。羗虜瓦解。前後降者萬七百餘人。及受言去者七十輩。

受言去者謂羗

受充國之言歸相告也羗虜即羗賊也

此坐支解羗虜之具也。臣謹條

有能知之者
充國往復議
論不過糧草
多少爾幾初
不露也蓋人
見其調度異
于尋常故輸
誠任之而充
國尋亦凱還
在邊自冬涉
夏未嘗收粒
粟不然五月
穀將熟詎肯
留以資敵耶
充國之答浩
星賜曰兵勢
國之大事當
為後法至是
宣帝蓋始語
其戡矣

不出兵留田便宜十二事步兵九校一步為一校吏士萬人留屯以為武備因田致穀威德並行一也又因排折羗虜令不得歸肥饒之地貧破其眾以成羗虜相畔之漸二也居民得並田作不失農業三也軍馬一月之食度支甲士一歲罷騎兵以省大費四也至春省甲士卒循河湟漕穀至臨羗以眎羗虜揚威武傳世折衝之具五也以閒暇時下所伐材繕治郵亭充入金城六也兵出乘危徼幸不出令反畔之虜竄于風寒之地離霜露疾疫瘥墮之患離遭也墮謂因坐寒瘥而墮止也得必勝之道七也亡經阻遠追死傷之害八也內不

時先零叛而罕开未有變
先零則罕开
先零欲先誅
不煩兵而服
矣

損威武之重外不令虜得乘間之執九也間謂將之
又亡驚動河南大开小开使生他變之憂十也大开小开皆羌種也
治隍陬中道橋令可至鮮水以制西域信威干
里從枕席上過師十一也橋城軍行安易若于枕席上過也
省繇役豫息以戒不虞十二也雷屯田得十二便出
兵失十二利臣充國材下犬馬齒衰不識長冊唯明
詔博詳公卿議臣採擇

唐仲友曰守屯田議與亞夫堅壁事體同獨充國尤
難蓋七國變急羌兵諸將所輕又充國自
薦非亞夫乃文帝所屬之比

張以忠曰以全盛之漢經營一隅卽整兵深入亦未必不足成功但充國本謀意在蓄威昭德不在折衝耀武其爲國家根本慮固深遠矣彼夫挾一將之任疾擊要功者豈可與之同日語哉

上屯田奏三

漢時萬餘里之地而僅以數千人守之必有長策似謂一隊數千人也

臣聞兵以計爲本。故多筭勝少筭。先零羗精兵。今餘不過七八千人。失地遠客。分散饑凍。并开莫須。又頗暴略其羸弱畜產。畔還者不絕。皆聞天子明令相捕斬之。賞臣愚以爲虜破壞可日月冀遠。在來春故曰兵決可期。月而望竊見北邊自燉煌至遼東萬一千五百餘里。乘塞列隧。有吏卒數千人。虜數大衆攻之而不能害。今留步士萬人屯田。屯執平易。多高山遠望之便。部曲相保。爲塹壘木樵校。聯不絕。木樵爲高樓以望敵也。校聯不絕言營壘相次也。便兵弩飭闔具。飭整也。燄火幸通執。

克國受命平
卷不希功于
旦夕也審形
便計利害守
便宜循而行
之終底厥績
蓋戰勝之形
定于未戰固
老成之長慮
哉

恐猝然有犯
復沮成謀
李牧備鴈門
亦謹斥候守
圍堡而已或
胡人小小寇
犯亦堅守不
出卽此意

及并力以逸待勞兵之利者也。臣愚以爲屯田內有
亾費之利外有守禦之備騎兵雖罷虜見萬人留田
爲必禽之具其土崩歸德宜不久矣。從今盡三月虜
馬羸瘦必不敢捐其妻子于他種中遠涉河山而來
爲寇。又見屯田之士精兵萬人終不敢復將其累重
還歸故地。是臣之愚計。所以度虜且必瓦解其處
其處自不戰而自破之冊也。至于虜小寇盜時殺人
民其原未可卒禁。臣聞戰不必勝不苟接刃攻不必
取不苟勞衆誠令兵出雖不能滅先零。豈能令虜絕
不爲小寇則出兵可也。卽今同是而釋坐勝之道從

內不傷威武
之至

意外籌度

老臣忠言

乘危之執。往終不見。利空內自罷。敝貶重而自損。非
所以視蠻夷也。又大兵一出。還不可復留。湟中亦未
可空。如是。繇役復更發也。且匈奴不可不備。烏桓不
可不憂。今久轉運。煩費傾我。不虞之用。以澹一隅。澹
也臣愚以爲不便。校尉臨衆。幸得承威德。奉厚幣。拊
循衆羌。諭以明詔。宜皆鄉風。雖其前辭。嘗曰。德亡效
五年。宜亡。它心不足以故。出兵。臣竊自惟念。奉詔出
塞。引軍遠擊。窮天子之精兵。散車甲于山野。雖亡尺
寸之功。媮得避嫌之便。媮苟且也而亡後咎。餘責此人。臣
不忠之利。非明主社稷之福也。臣幸得奮精兵。討不

義久留天誅。久留言不早罪當萬死。陛下寬仁未忍。
加誅。令臣數得孰計。愚臣伏計孰甚。不敢避斧鉞之
誅。昧死陳愚。唯陛下省察。

張枋曰。漢將孰賢。當以趙充國爲最。凡將之病患。

于勇而謀不謹也。充國更軍事多矣。及聞。

西羌之事。則不敢遽曰。兵難遙度。願馳至。

金城圖上。方畧其不敢忽如此。經歷之多。

思慮之深。孔子所謂臨事而懼。好謀而成。

也。將之病在于急近功也。充國則圖其萬。

全。陳屯曰。十二利持而爲不可動之計。其。

規模與孔明渭上之師何以異哉將之病
在于果于用而不恤百姓也充國任閩外
之寄而爲國家根本之慮要使百姓安邊
圉強西戎坐消焉此三代之將非戰國以
來摧鋒折敵者所可班也反復究其規模
味其風旨遠大周密拔出倫輩在宣帝時
不獨爲賢將殆可相也使其爲相必能爲
國家圖冊制度爲後世思安養百姓爲邦
本計如魏相輩皆當在其下風耳

張以忠曰時西羌反天子遣後將軍征之京兆尹張

敝條入粟贖罪以佐軍興會羗虜且破轉
輸畧足相給議寢不行設是時充國不爲
坐撫之計則兵連禍結繇役繁而國用竭
矣中國當孝武窮兵虛耗之後其能堪此
哉觀竊稱傾我不虞之用以澹一隅
者蓋不見焉非武賢輩所知也

賈捐之罷珠厓對

楊雄不受單于朝書字

飛走此篇關

鎖起伏曲盡

其體亦可誦

也

臣幸得遭明盛之朝。蒙危言之策。無忌諱之患。危言直言

敢昧死竭卷卷。

卷讀奉

臣聞堯舜聖之盛也。禹入聖

域而不優。故孔子稱堯曰大哉。韶曰盡善。禹曰無間。

以三聖之德。地方不過數千里。西被流沙。東漸于海。

朔南暨聲教迄于四海。

此禹貢之辭。漸入也。朔北方也。暨及也。迄至也。

欲與

此處只平平敘事而得失自見

聲教則治之。不欲與者。不彊治也。故君臣歌德。含氣

之物。各得其宜。武丁成王。殷周之大仁人也。然地東

一篇大指

不過江黃。西不過氐羗。南不過蠻荆。北不過朔方。是

自堯舜至此言帝王之地

以頌聲立。作視聽之類。咸樂其生。越裳氏重九譯而

不廣

自及其衰至此言周末秦興廣地之害

獻

遠國使來因九譯言此非兵革之所能致及其衰語乃通也越裳國名

也南征不還

謂昭王為楚所溺

齊桓揀其難孔子定其文以

至乎秦興兵遠攻貪外虛內務欲廣地不慮其害然

地南不過閩越北不過太原而天下潰畔禍卒在于

二世之末長城之歌至今未絕賴聖漢初興為百姓

請命平定天下至孝文皇帝閔中國未安偃武行文

則斷獄數百民賦四十丁男三年而一事

常賦歲百二十歲一

事時天下民多故出賦四十三歲而一事

時有獻千里馬者詔曰鸞旗在

前屬車在後

鸞旗編以羽毛列繫僮旁載于車上大駕出則陳于道而先行屬車相連屬而

陳于後也

吉行日五十里師行日三十里朕乘千里之馬

獨先安之

安之言何所適往

于是還馬與道里費而下詔曰

朕不受獻也其令四方毋求來獻當此之時逸游之

樂絕奇麗之賂塞鄭衛之倡微矣夫後宮盛色則賢

者隱處佞人用事則諍臣杜口而文帝不行故諡為

孝文廟稱太宗至孝武皇帝元狩六年太倉之粟紅

腐而不可食

粟久腐壞則色紅赤也

都內之錢貫朽而不可校

校謂數計也

乃探平城之事

探追計也

錄冒頓以來數為邊害

籍兵厲馬因富民以襁服之西連諸國至于安息東

過碣石以玄菟樂浪為郡北卻匈奴萬里更起營塞

制南海以為八郡則天下斷獄萬數民賦數百造鹽

自賴聖漢至此言文帝不廣地之利

借武帝時竊兵之事以諷切當時一一應前甚緊密

父戰于前數
句模寫真切

後漢匈奴傳

唐李華弔古

戰場文全用

此語意

曲盡戰死之

痛

自孝武皇帝

至此言武帝

廣地之害

言極激切

鐵酒權之利以佐用度猶不能足當此之時寇賊竝
起軍旅數發父戰死于前子鬪傷于後女子乘亭鄣
孤兒號于道老母寡婦飲泣巷哭口洪流被面以入于故言飲泣也
遙設虛祭想魂乎萬里之外淮南王盜寫虎符陰聘
名士關東公孫勇等詐為使者是皆廓地泰大征伐
不休之故也今天下獨有關東關東大者獨有齊楚
民衆久困連年流離離其城郭相枕席于道路人情
莫親父母莫樂夫婦至嫁妻賣子法不能禁義不能
止此社稷之憂也今陛下不忍悁悁之忿欲驅士衆
擠之大海之中擠墜也快心幽冥之地非所以救助饑

至此纔提出
珠厓

與嚴助論問
越不當伐同

意

又非獨珠厓
破主上所縛

棄之不足惜
二句方露一

篇本指

此又以近事
言之

僅保全元元也。詩云：蠢爾蠻荆，大邦爲讐。言聖人起
則後服中國，衰則先畔，動爲國家難。自古而患之久
矣。何況乃復其南方萬里之蠻乎？駱越之人，父子同
川而浴，相習以鼻飲，與禽獸無異。本不足郡縣置也。
顓顓獨居一海之中。顓顓猶區區也。霧露氣濕，多毒草蟲蛇。
水土之害人，未見虜戰士自死。又非獨珠厓有珠犀
瑇瑁也。棄之不足惜，不擊不損威。其民譬猶魚鼈，何
足貪也。臣竊以往者，羗軍言之，暴師曾未一年，兵出
不踰千里，費四十餘萬萬。大司農錢盡，乃以少府禁
錢續之。少府錢主供天子故曰禁錢。夫一隅爲不善費，尙如此，況

議論正大明
切千古不可
易此秦漢以
下之深病也

于勞師遠攻亡士毋功乎求之往古則不合施之當
今又不便臣愚以為非冠帶之國禹貢所及春秋所
治皆可且無以為用猶願遂棄珠厓專用恤關東為憂
林希元曰此篇言珠厓當罷以當時事執觀之誠為

有見今珠厓已入職方為文物之邦捐之
之策又似贅矣蓋古今之時不同事執亦
異不可執一論也今之議論安南者多拾
捐之餘論其亦未之思爾

張以忠曰鏡已事之得失權今時之利害言言切中
而文氣特蒼勁精整

侯應罷邊備議

卸支既誅呼
韓邪單于且
喜且懼上書
願入朝見竟
寧元年單于
復入朝又上
書願保塞上
谷以西至敦
煌傳之無窮
請罷邊備塞
吏卒以休天
子人民天子
令下有司議
議者皆以為
便郎中侯應
習邊事以為
不可許天子
乃詔勿議罷

周秦以來匈奴暴桀寇侵邊境漢興尤被其害臣聞
北邊塞至遼東外有陰山東西千餘里草木茂盛多
禽獸本冒頓單于依阻其中治作弓矢來出為寇是
其苑囿也至孝武世出師征伐斥奪此地攘之于幕
北建塞徼起亭隧隧謂深開小道而行避敵鈔寇也築外城設屯戍
以守之然後邊境得用少安幕北地平少草木多大
沙匈奴來寇少所蔽隱從塞以南徑深山谷往來差
難邊長老言匈奴失陰山之後過之未嘗不哭也如
罷備塞戍卒示夷狄之大利不可一也今聖德廣被

邊塞事

自古及今膚
情如一轍

卽單于亦安
保其必不生
心犯約

深慮

開邊釁者必
由中國

天覆匈奴。匈奴得蒙全活之恩。稽首來臣。夫夷狄之
情。困則卑順。疆則驕逆。天性然也。前以罷外城省亭
隧。今裁足以候望通燹火而已。古者安不忘危。不可
復罷二也。中國有禮義之教。刑罰之誅。愚民猶尚犯
禁。又况單于能必其衆不犯約哉。三也。自中國尚建
關梁以制諸侯。所以絕臣下之覬欲也。設塞徼。置屯
戍。非獨爲匈奴而已。亦爲諸屬國降民。本故匈奴之
人。恐其思舊逃亡。四也。近西羗保塞。與漢人交通。吏
民貪利。侵盜其畜產。妻子以此怨恨起。而背畔。世
不絕。今罷乘塞。則生嫚易分爭之漸。五也。往者從軍。

情所必有

至此議益精
明文益緊醒

多沒不還者。子孫貧困。一旦亡出。從其親戚。六也。又
邊人奴婢愁苦。欲亡者多。日聞匈奴中樂。無奈候望
急。何然。時有亡出塞者。七也。盜賊桀黠羣輩。犯法如
其窘急。亡走非出。則不可制。八也。起塞以來。百有餘
年。非皆以土垣也。或因山巖石木柴。僵落溪谷水門。
僵落謂山上樹木摧折。或直死枯。僵墮落者。稍稍平之。卒徒築治。功費久
遠。不可勝計。臣恐議者不深慮其終始。欲以壹切省
繇戍。一切謂權時也。十年之外。百歲之內。卒有他變。障塞破
壞。亭隧滅絕。當更發屯繕治。累世之功。不可卒復。九
也。如罷戍卒。省候望。單于自以保塞守禦。必深德漢。

篇單于怪其
不罷故便司
馬平騎嘉祐
單于從應之
議也

于漢自稱
恩德也

請求無已小失其意則不可測開夷狄之

隙虧中國之固十也非所以永持至安威制百蠻之

長策也

陳仁子曰自易有重門擊柝之象而城戍之守已立

自傳有周索戎索之語而夷夏之分已辨

國不可無備久矣抱虎而寢安保其不噬

枕蛟而卧安保其不躍狼子野心變詐可

畏其強也則有嫚書之辱其弱也則有渭

上之朝未易以俄而測也呼韓單于求昏

漢庭而攄欲撤備戎心果可恃乎侯應之

言蓋漢之所恃以存者嗚呼漢之邊患北
爲甚而西次之唐之邊患西爲甚而北次
之爲國不可以無備而况疎且忽乎

唐順之曰愈出愈奇

張以忠曰時呼韓已誅北邊之警不過慮及匈奴苟
單于不爲寇害則已安用保塞爲也况戎
心叵測安知其不以此欺我侯應之議蓋
究觀邊事之終始曲盡虜情之難制議論
精明尤爲警醒

古今文統

卷六

三

劉向條災異封事

引詩書春秋
易論語凡二

十二絕無架

疊之病最有

法度文字

自竊見以下

凡七八轉忠

誠惻怛之意

藹然見于言

外非積于中

者厚不能及

也

自首至死無

所恨叙微言

之志臣子迫

切之至情可

見矣

臣前幸得以骨肉備九卿奉法不謹。乃復蒙恩竊見

災異並起。天地失常。徵表為國。徵證欲終不言。念忠

臣雖在。明。畝。猶不忘君。惓惓之義也。况重以骨肉之

親。又加以舊恩未報。乎欲竭愚誠。又恐越職。然惟二

恩未報。惟思忠臣之義。一攄愚意。退就農畝。死無所

恨。杼謂引而臣聞舜命九官。禹作司空。棄后稷。契司

朕虞。伯夷秩宗。夔典濟濟相讓。和之至也。眾賢和于

朝。則萬物和于野。故簫韶九成。而鳳凰來儀。擊石拊

石。百獸率舞。韶舜樂名。舉簫管之屬。示其備也。于韶

樂九奏。則鳳凰見。其容儀。擊鐘鳴磬。而

和字乃一篇綱領

自舜至幽厲以後皆含君子小人在其中

賈山告漢文借秦為喻劉向告漢成亦引周與春秋之事其言周之興衰而証以詩及引春秋所書災異文法皆自左氏來其厚重博大猶有漢初氣象

歷言和之事

百獸相率來舞言感至和也

西郊

言文王始受命作周也

雜遝眾賢罔不肅和

雜遝聚積之貌

崇推

讓之風以銷分爭之訟文王既沒周公思慕歌詠文

王之德其詩曰於穆清朝肅雍顯相濟濟多士秉文

之德當此之時武王周公繼政朝臣和于內萬國驩

于外故盡得其驩心以事其先祖其詩曰有來雍雍

至止肅肅相維辟公天子穆穆言四方皆以和來也

諸侯和于下天應報于上周頌曰降福穰穰又曰飴

我釐麯釐麥也始自天降此皆以和致和獲天助

也釐讀下至幽厲之際朝廷不和轉相非怨詩人疾

引詩書者當

法此體

此下已合君

于小人意為

後張本

一一暗伏後

案

叙日月之薄

蝕以及山川

之易處霜雪

之失時人君

信謹之害凍

稟可畏

前叙周家之

盛則以以和

致和句結斷

此叙其哀則

古今文苑

卷六

劉向條災異封事二

三五

西漢

而憂之曰民之無良相怨一方衆小在位而從邪議
 歎歎相是而背君子故其詩曰歎歎訛訛亦孔之哀
 謀之既臧則具是違謀之不臧則具是依君子獨處
 守正不撓衆枉勉彊以從王事則反見憎毒讒慝故
 其詩曰密勿從事不敢告勞無罪無辜讒口瞽瞍當
 是之時日月薄蝕而無光薄迫也謂被掩迫也其詩曰朔日辛
 卯日有蝕之亦孔之醜又曰彼月而微此日而微今
 此下民亦孔之哀又曰日月鞠凶不用其行四國無
 政不用其良天變見于上地變動于下水泉沸騰山
 谷易處其詩曰百川沸騰山冢卒崩高岸爲谷深谷

以不和句結
斷

造應泉賢和
于朝二句

叙得錯綜

總得妙

度言春秋災

其

為陵哀。今之人胡惜莫懲。霜降失節。不以其時。其詩
曰。正日繁霜。我心憂傷。民之訛言。亦孔之將。言民以
是為非。甚眾大也。此皆不和。賢不肖易位之所致也。
賢人在下。不肖居上。故云易位。自此之後。天下大亂。篡殺殃禍並作。
厲王奔彘。厲王無道。下不堪命。乃相與畔。幽王見殺。
為大戎所攻殺。至平王末年。魯隱之始。即位也。周大夫祭
伯乖離不和。出奔于魯。而春秋為諱。不言來奔。傷其
禍殃。自此始也。是後尹氏世卿而專恣。諸侯皆畔。而
不朝。周室卑微。二百四十二年之間。謂從隱公元年
至哀公十四年。
獲麟。日食三十六。地震五。山林崩。地二。地。下也。彗星三。

一部魯史爛
熟胸中

叙次有法故
不覺其冗

見夜常星不見。夜中星隕如雨。一火災十四長狄入

三國

長狄兄第三一人一之齊一之魯一之晉

五石隕墜。六鷁退飛。多麋

有蜮蜚鸛鵒來巢者皆一見。

蜮短尾狐也。鷁水鳥也。蜚負蟻也。

晝冥

晦雨木冰。

雨木冰者氣著樹木結為冰也。

李梅冬實。七月霜降。草木

不死。八月殺菽。

菽謂豆也。

大雨雹。雨雪霏霏。失序相乘。水

旱饑。螽蟴蠹午竝起。

螽午猶雜沓也。螽即蝗也。蟴蟲之食苗心者也。

當是

時禍亂輒應。弑君三十六。亡國五十二。諸侯奔走不

得保其社稷者不可勝數也。周室多禍。晉敗其師于

賀戎。

賀戎地名也。成公元年秋王師敗績于賀戎。蓋晉敗之也。

伐其郊。

郊周邑也。昭二十三年正月經書。

鄭傷桓王。

王以諸侯伐鄭。鄭伯禦之。射中王肩事在桓五年秋。

晉人圍郊。

執其使隱十年冬經書天王使丹伯衛侯朔召不往

齊逆命而助朔春秋桓十六年經書衛侯朔五大夫

爭權三君更立莫能正理周景王崩單穆公劉文公

與爭奪更立王子猛遂至陵夷不能復興早替也繇

此觀之和氣致祥乖氣致異祥多者其國安異衆者

其國危天地之常經古今之通義也今陛下開三代

之業招文學之士優游寬容使得並進今賢不肖渾

殽渾殽雜白黑不分邪正雜揉忠讒並進揉和章交

公車人滿北軍漢儀注中壘校尉主北軍壘門內尉

如法者以付北軍尉一人主上書者獄上章于公車有不

護邪如蚊集而忠正如晨星良可歎恨

繇此以下數句結上文和不和之祥異然後說入時事正文章大關鍵處

今陛下以下方歷言時事

正臣進者以
後說得最反
覆

一一暗應前
議
遵衰周以下
一結上至原
其所以又說
起

昔更相讒愬轉相是非傳授增加文書紛糾前後錯
謬毀譽渾亂所以營惑耳目感移心意不可勝載分
曹為黨往往羣朋也曹輩將同心以陷正臣正臣進者
治之表也正臣陷者亂之機也乘治亂之機未知孰
任而災異數見此臣所以寒心者也夫乘權藉執之
人子弟鱗集于朝鱗集言其相次如魚鱗羽翼陰附者衆輻湊
于前輻湊言如車輻之歸于轂也毀譽將必用以終乖離之咎言
佞之人毀譽得進則忠賢被斥日以乖離也
是以日月無光雪霜夏隕海水沸出陵谷易處列星失行皆怨氣之所致也夫遵
衰周之軌迹循詩人之所刺而欲以成太平致雅頌

循詩人之所
刺句總括得
盡

上多疑心四
字乃一篇眼
目

此推本之論
醇正之文

猶卻行而求及前人也。初元以來六年矣。按春秋六
年之中災異未有稠如今日者也。也。稠多。夫有春秋之
異無孔子之救猶不能解紛。紛亂也。况甚于春秋乎。原
其所以然者。讒邪竝進也。讒邪之所以竝進者。繇上
多疑心。既已用賢人而行善政。如或譖之。則賢人退
而善政還。還收也。夫執狐疑之心者。來讒賊之口。持不
斷之意者。開羣枉之門。讒邪進則衆賢退。羣枉盛則
正士消。故易有否泰。小人道長。君子道消。君子道消
則政日亂。故爲否。否者閉而亂也。君子道長。小人道
消。小人道消則政日治。故爲泰。泰者通而治也。詩又

句句打入

治亂以下一
結上至是羣
小又說起

云雨雪麋鹿見睚眦消與易同義昔者鯀共工驩兜
與舜禹雜處堯朝周公與管蔡竝居周位當是時迭
進相毀也迭互流言相謗豈可勝道哉帝堯成王能賢
舜禹周公而消共工管蔡故以大治榮華至今孔子
與季孟偕仕于魯李斯與叔孫俱宦于秦叔孫叔
孫通也定
公始皇賢季孟李斯而消孔子叔孫故以大亂汚辱
至今故治亂榮辱之端在所信任信任既賢在于堅
固而不移詩云我心匪石不可轉也言守善篤也易
曰渙汗其大號言號令如汗汗出而不反者也今出
善令未能踰時而反是反汗也用賢未能三旬而退

重提翻案妙甚

此言不和之狀

歐陽公朋黨論俱摹此

是轉石也。論語曰：見不善如探湯。今二府奏佞調不當在位，歷年而不去。二府丞相御史也故出令則如反汗，用賢則如轉石去佞，則如拔山。如此望陰陽之調，不亦難乎？是以羣小窺見間隙，緣飾文字，巧言醜詆。詆毀辱也流言飛文，譁于民間。譁譁也故詩云：憂心悄悄，慍于羣小。小人成羣，誠足慍也。昔孔子與顏淵子貢更相稱譽，不爲朋黨。禹稷與臯陶傳相汲引，不爲比周。何則？忠于爲國，無邪心也。故賢人在上位，則引其類而聚之于朝；易曰：飛龍在天，大人聚也。在下位，則思與其類俱進。易曰：拔茅茹，以其彙。征吉。在上則引其類，在

向言到此苦心直指黑白

此言不和之由明目張膽

至此方露出上封事主意

今陛下以下總承上文一結應

為戒以上皆一一應前漢

下則推其類故湯用伊尹不仁者遠而眾賢至類相

致也今佞邪與賢臣並在交戟之內交戟謂宿衛者合黨共

謀違善依惡歟歟訛訛數設危險之言欲以傾移主

上如忽然用之此天地之所以先戒災異之所以重

至者也自古明聖未有無誅而治者也故舜有四放

之罰四放謂誅四凶也而孔子有兩觀之誅少正卯姦人之雄孔子設魯司

寇七日誅之于兩觀然後聖化可得而行也今以陛

下明知誠深思天地之心迹察兩觀之誅迹察謂尋其餘迹而

察覽否泰之卦觀雨雪之詩歷周唐之所進以為法

原秦魯之所消以為戒歷謂歷觀之謂思其本考祥應之福省

人論事多如此

確論

劉向封事全
是論天人感
應之理董仲
舒而後此為
再觀

災○異○之○禍○以○揆○當○世○之○變○
省視也揆度也放○遠○佞○邪○之○黨○壞○
散○險○誠○之○聚○
險言杜閉羣枉之門廣開衆正之路杜○
也○决○斷○狐○疑○分○別○猶○豫○使○是○非○炳○然○可○知○則○百○異○消○
滅○而○衆○祥○竝○至○太○平○之○基○萬○世○之○利○也○臣○幸○得○託○肺○
附○
肺附謂肺腑相附誠○見○陰○陽○不○調○不○敢○不○通○所○聞○
附著猶言心膂也竊○推○春○秋○災○異○以○救○今○事○一○二○條○其○所○以○
以由不○直○
宣○泄○臣○謹○重○封○昧○死○上○

真德秀曰更生于正邪賢否之辨一篇之中反復數

四可謂深切乃卒不能開孝元之惑不明

之君可與言哉恭顯自宣帝時筦樞機至

元帝立遂大用事陷蕭望之于獄殺之更生此對元帝之六年也是年其猛黜賈捐之死又數年猛自殺其後京房嘗一言之亦死終元帝世敢言恭顯者惟更生房二人而更生忠懇惓惓又非房匹他如貢禹匡衡號稱大儒曾微一言敢及之者故皆致位王公而更生甘心廢錮不肯少詘精忠峻節千載之下猶高仰之彼貢禹輩視之真可媿死

樓 昉曰鋪叙有倫首尾相應又須要看向所處是

何地位味其書詞方知其忠愛惓惓之意
與他人不同

張以忠曰當時以孝元柔闇而恭顯明比其間豈孤
忠得進之日而向獨敢以杜羣枉開衆正
侃侃陳辭可謂不畏彊禦矣嗟嗟古之事
君蒙死竭忠今之事君袖手焚溺袖手不
足言猶有黨邪而誤國者獨立不懼伊誰
其人時事如此誠可悲悼



極諫外家封事

此等文字為忠誠第一

向諸疏皆善敘事

此與前篇所言意同然前篇意尚隱而未露至此則盡露矣其言憤激切當讀之可為酸鼻者使王氏能

臣聞人君莫不欲安。然而常危。莫不欲存。然而常亡。失御。臣之術也。夫大臣操權柄。持國政。未有不為害者也。昔晉有六卿。六卿智伯。范中行。韓。魏。趙也。齊有田。崔。衛。有孫。甯。魯有季。孟。常掌國事。世執朝柄。終後田氏取齊。六卿分晉。崔杼弑其君光。孫林父甯殖出其君衎。弑其君剽。季氏八佾舞于庭。三家者以雍徹。並專國政。卒逐昭公。周大夫尹氏管朝事。濁亂王室。子朝子猛更立。連年乃定。故經曰。王室亂。又曰。尹氏殺王子克。甚之也。春秋舉成敗錄禍福。如此類。甚衆。皆陰盛而陽。

因其言而改其失之且有後

日覆宗之禍

漢成知禍而

不知避卒自

取敗亡尤為

可恨然則如

更生者劉氏

王氏之忠臣

也

上言春秋猶

是遠者此引

先秦漢初為

鑒則事益近

而情益切矣

此方論漢氏

言漢高之世

外戚擅權幾

危而幸以存

微下失臣道之所致也故書曰臣之有作威作福害

于而家凶于而國孔子曰祿去公室政逮大夫危亡

之兆秦昭王舅穰侯及涇陽葉陽君皆昭王母之弟也穰侯魏冉也

涇陽葉陽皆其弟也專國擅執上假太后之威三人者權重于

昭王家富于秦國國甚危殆賴寤范雎之言而秦復

存二世委任趙高專權自恣壅蔽大臣終有閹樂望

夷之禍秦二世齊于望夷之官閹樂以兵殺之秦遂以亡近事不遠即

漢所代也漢興諸呂無道擅相尊王呂產呂祿席太

后之寵據將相之位席猶因也兼南北軍之衆擁梁趙王

之尊驕盈無厭欲危劉氏賴忠正大臣絳侯朱虛侯

今王氏以下
總入本題論
得激切

田盡王氏所
以篡漢之故

等竭誠盡節以誅滅之。然後劉氏復安。今王氏一姓
乘朱輪華轂者三十三人。青紫貂蟬。充盈幄內。魚鱗
左右。魚鱗在帝之左大將軍秉事用權。五侯驕奢。僭
盛。並作威福。擊斷自恣。行汚而寄治。身私而託公。託寄
也。內為汚私之行。而依東宮之尊。假甥舅之親。以為
外託治公之道也。威重。東宮太后尚書九卿州牧郡守。皆出其門。管執
樞機。朋党比周。稱譽者登進。忤恨者誅傷。游談者助
之說。執政者為之言。排擯宗室。孤弱公族。其有智能
者。尤非毀而不進。遠絕宗室之任。不令得給事朝省。
恐其與已分權。數稱燕王蓋主。以疑上心。避諱呂霍

本色援引

忘憤之論讀
之尚可流涕

而弗肯稱。內有管蔡之萌。外假周公之論。兄弟據重。
宗族磐互。磐互磐結而交互也。歷上古至秦漢。外戚僭貴。未有
如王氏者也。雖周皇甫秦穰侯。漢武安。呂霍。上官之
屬。皆不及也。皇甫周卿士也。周后寵之。故處于盛位。權党于朝。武安侯田蚡也。
必有非常之變。先見爲其人微象。微當作微。孝昭帝時。冠
石立于泰山。冠川下有石自立。三石爲一石。在上故曰冠石也。仆柳起于上
林。而孝宣帝卽位。今王氏先祖墳墓在濟南者。其梓
柱生枝葉。扶疏上出。屋根垂地。中雖立石起柳。無以
過此之明也。事勢不兩大。王氏與劉氏亦且不並立。
如下有泰山之安。則上有累卵之危。陛下爲人子孫。

孝宣以下所
以全安王氏
之策

至此尤自懇
惻

守持宗廟而令國祚移于外戚降為皂隸皂隸卑賤之人也縱不為身奈宗廟何婦人內夫家外父母家此亦非皇太后之福也孝宣皇帝不與舅平昌樂昌侯權所以全安之也夫明者起福于無形銷患于未然宜發明詔吐德音援近宗室親而納信援引也謂升引而附近之也黜遠外戚毋授以政皆罷令就第以則效先帝之所行厚安外戚全其宗族誠東宮之意外家之福也王氏永存保其爵祿劉氏長安不失社稷所以褒睦外內之姓子子孫孫無彊之計也如不行此策田氏復見于今六卿必起于漢為後嗣憂昭昭甚明不可不深

圖不可不蚤慮。易曰：君不密則失臣，臣不密則失身。幾事不密則害成。惟陛下深留聖思，審固幾密，覽往事之戒，以折中取信，居萬安之實用，保宗廟久承皇太后天下幸甚。

陳仁子曰：漢宗室之忠無如劉章、劉向二人。呂氏外戚也，欲危劉氏，則章力護之，王氏亦外戚也，欲危劉氏，則向力排之。觀此封事千載尚爲流涕，異時章得誅，諸呂劉向不得誅，諸王者何也？蓋章之志得行而有平勃以主其盟，向之無功不幸而不遇平勃也。

張以忠曰痛心剝骨之論忠愛惻怛流自至誠使孝
成悟用其言漢宗寧不輦於磐石乎而竟
如以水投石良足悲矣

名之曰仁之予
石之同心水

續

卷六

三

諫起昌陵疏

論山陵乃以此起議論自是奇偉

用堯舜禹湯發明前面賢聖之君與孔子論詩等意又用高祖定都一事發明

臣聞易曰安不忘危存不忘亡是以身安而國家可保也故聖賢之君博觀終始窮極事情而是非分明王者必通三統王者象天地人三統故存三代明天命所授者博非獨一姓也孔子論詩至于殷士膚敏裸將于京喟然歎曰大哉天命善不可不傳于子孫是以富貴無常不如是則王公其何以戒慎民萌何以勸勉蓋傷微子之事周而痛殷之亡也雖有堯舜之聖不能化丹朱之子雖有禹湯之德不能訓末孫之桀紂自古及今未有不亡之國也昔高帝既滅秦將都雒陽感寤

前富貴無常意

自首至此言

國家無常之

理以明其無

益其用意深

遠矣

劉敬之言○自以德不及周而賢于秦○遂徙都關中○依

周之德○因秦之阻○世之長短○以德爲效○故常戰栗○不

敢諱亡○孔子所謂富貴無常○蓋謂此也○孝文皇帝居

霸陵○北臨廁

廁側近水也○霸陵山北頭○廁迹霸水帝登其上以遠望

意悽愴悲

懷○顧謂羣臣曰○嗟乎○以北山石爲椁○用紵絮斲陳漆

其間○豈可動哉○張釋之進曰○使其中有可欲○雖錮南

山○猶有隙○使其中無可欲○雖無石椁○又何感焉○夫死

者○無終極○而國家有廢興○故釋之之言○爲無窮計也

孝文寤焉○遂薄葬○不起山墳○易曰○古之葬者○厚衣之

以薪○藏之中野○不封不樹○後世聖人○易之以棺槨○棺

此段收拾上
意

槨之作自黃帝始黃帝葬于橋山堯葬濟陰丘壠皆
小葬具甚微舜葬蒼梧二妃不從禹葬會稽不改其
列不改列不改樹木百物之列也殷湯無葬處文武周公葬于畢秦
穆公葬于雍橐泉宮祈年館下樗里子葬于武庫皆
無丘壠之處此聖帝明王賢君智士遠覽獨慮無窮
之計也其賢臣孝子亦承命順意而薄葬之此誠奉
安君父忠孝之至也夫周公武王弟也葬兄甚微孔
子葬母于防稱古墓而不墳曰丘東西南北之人也
不可不識也東西南北言周游行道不得專任本邦故墓須表識爲四尺墳遇
雨而崩弟子修之以告孔子孔子流涕曰吾聞之古

自孝文至此
歷指古之聖
帝明王賢臣
孝子薄葬之
得

又收拾上三
段總鎖

者不修墓蓋非之也。延陵季子適齊而反其子死于
羸博之間穿不及泉歛以時服封墳掩坎其高可隱
謂人立可隱肘而號曰骨肉歸復于土命也。魂氣則無不之
也。夫羸博去吳千有餘里季子不歸葬孔子往觀曰
延陵季子于禮合矣。故仲尼孝子而延陵慈父舜禹
忠臣周公弟弟其葬君親骨肉皆微薄矣非苟爲儉
誠便于體也。宋桓司馬爲石槨仲尼曰不如速朽秦
相呂不韋集知畧之士而造春秋亦言薄葬之義皆
明于事情者也。逮至吳王闔閭違禮厚葬十有餘年
越人發之及秦惠文武昭嚴襄五王
嚴襄者謂莊襄始皇父皆

自吳王至奢
儉之得失也
歷指吳秦昏
主暴君厚葬
之害

大作丘隴。多其瘞藏。咸盡發掘。暴露甚足悲也。秦始皇帝葬于驪山之阿。下錮三泉。上崇山墳。其高五十餘丈。周回五里有餘。石椁爲游館。人膏爲燈燭。水銀爲江海。黃金爲鳧鴈珍寶之藏。機械之變。棺椁之麗。宮館之盛。不可勝原。又多殺宮人。生糞工匠。計以萬數。天下苦其役而反之。驪山之作。未成而周章百萬之師至其下矣。周章陳勝將項籍燔其宮室營宇。往者咸見發掘。其後牧兒亡羊。羊入其鑿。牧者持火照求。羊失火燒其藏椁。自古及今。葬未有盛如始皇者也。數年之間。外被項籍之災。內罹牧豎之禍。豈不哀哉。是

又一鎖

周德既衰以
下復舉周魯

奢儉之事發
明之然已說

吳秦事此又
舉周魯事覺

先後倒置今
人文便循序

決不如此

子孫衆多後

嗣再絕俱因

孝成無嗣而

發是極警動

故○德○彌○厚○者○葬○彌○薄○知○愈○深○者○葬○愈○微○無○德○寡○知○其○
葬○愈○厚○丘○隴○彌○高○宮○廟○甚○麗○發○掘○必○速○繇○是○觀○之○明○
暗○之○效○葬○之○吉○凶○昭○然○可○見○矣○周○德○既○衰○而○奢○侈○宣○
王○賢○而○中○興○更○爲○儉○宮○室○小○寢○廟○詩○人○美○之○斯○干○之○
詩○是○也○上○章○道○宮○室○之○如○制○下○章○言○子○孫○之○衆○多○也○
及○魯○嚴○公○卽莊公刻○飾○宗○廟○多○築○臺○囿○後○嗣○再○絕○春○秋○
刺○焉○周○宣○如○彼○而○昌○魯○秦○如○此○而○絕○是○則○奢○儉○之○得○
失○也○陛○下○卽○位○躬○親○節○儉○始○營○初○陵○其○制○約○小○天○下○
莫○不○稱○賢○明○及○徙○昌○陵○增○埤○爲○高○積○土○爲○山○發○民○墳○
墓○積○以○萬○數○營○起○邑○居○期○日○迫○卒○功○費○大○萬○百○餘○大萬

億也。死者恨于下。生者愁于上。怨氣感動陰陽。因之以

饑饉。物故流離。以千萬數。臣甚惜焉。惜謂不了。惑于此事。以死

者。為有知。發人之墓。其害多矣。若其無知。又安用大

謀之。賢知。則不說。以示眾庶。則苦之。若苟以說愚夫

淫侈之人。又何為哉。陛下慈仁篤美。甚厚。聰明疏達。

蓋世。宜弘漢家之德。崇劉氏之美。光昭五帝三王。而

顧與暴秦亂君。競為奢侈。比方丘隴。說愚夫之目。隆

一時之觀。違賢知之心。亡萬世之安。臣竊為陛下羞

之。唯陛下上覽明聖。黃帝堯舜禹湯文武周公仲尼

之制。下觀賢知。穆公延陵。樗里張釋之之意。孝文皇

此數句收合

步步有關鎖

一篇文字遞

遞接引許多

典故來只以

此數句收合

五公之充

諫起昌陵疏四

西漢

結果此謂片言有萬鈞之勢真宗匠手段

帝○去○墳○薄○葬○以○儉○安○神○可○以○爲○則○秦○昭○始○皇○增○山○厚○藏○以○侈○生○害○足○以○爲○戒○初○陵○之○撫○宜○從○公○卿○大○臣○之○

議○以○息○衆○庶○撫謂規度墓地也

陳仁子曰劉向惓惓不忘君故事事不忘諫獨于事

大者不從事小者又不能卽從何也傳曰

父母愛之喜而不忘父母惡之勞而不怨

此事君法也向于恭顯用事則言恭顯趙

后專嬖則言趙后王氏竊權則又言王氏

蓋小弁親親之義當時皆掣肘牽愛而不

之行至若昌陵一役疲民大甚可以專自

斷制者向言之而一不之行迨羣臣皆曰
不便而始詔曰罷之何亦未嘗有佗志噫
家國之念深而其辭苦君臣之義大而其
情安始不思而終不怨忠矣哉

林希元曰諫厚葬首言國家無常存之理意易世之
後終不能保以見其無益也用意深遠矣
中言古今聖帝明王賢臣智士薄葬之得
以爲勸言吳秦昏王暴君厚葬之害以爲
戒其言必旁喻遠引所以孚化人主使浸
淫滋潤入其言而不覺也可謂善于立言

善于告君矣人臣進言于君當以爲法

張以忠曰歷援故實絕無縫鬬而聲調尤磔磔雲霄
間此最醒切之作



